



Prijedlog:

Na osnovu člana 9 stav (4) Zakona o ugostiteljskoj djelatnosti („Sl. novine Federacije BiH“ broj: 32/09, člana 85. Statuta Općine Ilidža („Sl. novine Kantona Sarajevo“ broj: 36/10 i 18/16, Općinsko vijeće Ilidža na \_\_\_\_\_ redovnoj sjednici održanoj dana \_\_\_\_\_ 2024. godine donijelo je:

## ODLUKA

### O VISINI I NAČINU RASPOREDA NAKNADE ZA UTVRĐIVANJE PROPISANIH USLOVA ZA OBAVLJANJE ODREĐENIH DJELATNOSTI

#### Član 1. (Predmet Odluke)

Ovom Odlukom određuje se visina i način rasporeda naknade za provođenje postupka utvrđivanja ispunjenosti propisanih uslova za obavljanje određenih djelatnosti na području općine Ilidža.

#### Član 2. (Visina naknade)

Naknada troškova za provođenje postupka iz člana 1. ove Odluke iznosi: 155,00 KM/ jedinstotina pedesetpet i 00/100 KM/.

#### Član 3. (Raspoređivanje naknade)

Sredstva ove naknade raspoređuju se na sljedeći način:

1. za izmirivanje troškova rada Komisije: po 30,00 /trideset i 00/100 KM u iznosu neto na ruke, za predsjednika i članove Komisije;
2. ostatak: za rad općinskog organa uprave i pokriva doprinosa i poreskih obaveza u skladu sa Zakonom.

#### Član 4. (Prestanak važenja)

Danom stupanja na snagu ove Odluke prestaje da važi Odluka o visini i načinu rasporeda naknade za utvrđivanje propisanih uslova za obavljanje određenih djelatnosti („Službene novine Kantona Sarajevo“ broj: 3/10

**Član 5.**  
**(Stupanje na snagu)**

Ova Odluka stupa na snagu osmi dan od dana objave u Službenim novinama Kantona Sarajevo.

PREDSJEDAVAJUĆI

Tarik Stambolić, magistar poslovnog prava

Dostavljeno:

1. Općinski načelnik
2. Služba za privredu i lokalni ekonomsku razvoj
3. Kabinet općinskog načelnika
4. Služba za usklađenost, integritet i kontrolu kvaliteta
5. Za objavu SNKS
6. Evidencija
7. a/a

## OBRAZLOŽENJE

### PRAVNI OSNOV:

Pravni osnov za donošenje ove Odluke sadržan je u članu 6.stav 5. Zakona o privrednim društvima (Sl. novine Federacije BiH“ broj:81/15 i 75/21), članu 9. stav 1. Zakona o ugostiteljskoj djelatnosti („Sl novine Federacije BiH“ broj: 32/09, članu 11. Zakona o turističkoj djelatnosti („Sl novine Federacije BiH“ broj: 32/09 kojima je utvrđena nadležnost općinskih organa za utvrđivanje propisanih uslova za obavljanje određenih djelatnosti, članu 39. stav 1. tačka c) **Zakona o deviznom poslovanju („Sl novine Federacije BiH“ broj: 47/10)** u članu 39. stav 1. tačka c) i u članu 85. Statuta Općine Ilidža koji utvrđuje da „Općinsko vijeće, u okviru djelokruga ovlašćenja utvrđenih zakonom i statutom Općine, donosi Statut Općine, općinske propise (odluke), budžet, završni račun i izvještaj o izvršenju budžeta, Poslovnik o radu Općinskog vijeća i zaključke, daje autentična tumačenja propisa, koje donosi i utvrđuje njihov prečišćeni tekst.

- 1. Zakon o ugostiteljskoj djelatnosti („Sl novine Federacije BiH“ broj: 32/09)** u članu 9. stav 1. navodi „ Nadležni organ na zahtjev ugostitelja utvrđuje jesu li ispunjeni minimalni uvjeti za vrstu ugostiteljskih objekata koji se ne kategoriziraju. **Stav 4. navodi „ Troškove postupka iz stava 1. ovog člana snosi ugostitelj.**
- 2. Zakon o turističkoj djelatnosti („Sl novine Federacije BiH“ broj: 32/09)** u članu 11. navodi da putnička agencija može započeti pružanje usluge kada pribavi rješenje općinskog organa uprave nadležnog za poslove turizma, kojim je utvrđeno da udovoljava uslovima propisanim ovim Zakonom i propisima donesenim na osnovu ovog zakona
- 3. Zakon o deviznom poslovanju („Sl novine Federacije BiH“ broj: 47/10)** u članu 39. stav 1. tačka c) navodi da rezidenti - druga pravna lica i poduzetnici uz zahtjev za dobijanje ovlaštenja za obavljanje mjenjačkih poslova, Federalnom ministarstvu finansija, pored ostalog trebaju priložiti **i Rješenje nadležnog organa o ispunjenju minimalnih tehničkih uslova u skladu sa važećim propisima.**
- 4. Zakon o privrednim društvima (Sl. novine Federacije BiH“ broj: 81/15 i 75/21),** u članu 6.stav 5. Zakona o privrednim društvima (Sl. novine Federacije BiH“ broj: 81/15 i 75/21) definiše „ Djelatnosti za koje je zakonom utvrđeno da se mogu obavljati samo na osnovu saglasnosti, dozvole ili drugog akta nadležnog organa mogu se obavljati nakon dobijanja dozvole, saglasnosti ili drugog akta nadležnog organa.
- 5. Statut Općine Ilidža član 85. stav 1. kaže:**  
“Općinsko vijeće, u okviru djelokruga ovlašćenja utvrđenih zakonom i statutom Općine, donosi Statut Općine, općinske propise (odluke), budžet, završni račun i izvještaj o izvršenju budžeta, Poslovnik o radu Općinskog vijeća i zaključke, daje autentična tumačenja propisa, koje donosi i utvrđuje njihov prečišćeni tekst.

**Iz navedenog se vidi da je općinski organ nadležan za utvrđivanje ispunjenosti propisanih minimalnih uslova poslovnih prostora za obavljanje određenih djelatnosti.**

## RAZLOZI ZA DONOŠENJE:

Nakon donošenja Zakona o izmjeni Zakona o privrednim društvima i Zakona o ugostiteljskoj djelatnosti, Zakona o trgovini i zakona o turističkoj djelatnosti 2009. godine pristupilo se izradi prijedloga Odlukeo visini i načinu rasporeda naknade za utvrđivanje propisanih uslova za obavljanje određenih djelatnosti koju je donijelo Općinsko vijeće Ilidža na 11. redovnoj sjednici održanoj 04. februara 2010. godine.

Godinu dana, nakon donošenja Odluke donesen je novi Zakon o unutrašnjoj trgovini („Sl. novine Federacije BiH“ broj: 40/10, 79/17, koji je na drugačiji način definisao utvrđivanje propisanih uslova za obavljanje trgovačke djelatnosti, tako da trgovac pravno lice u trenutku početka rada prodajnog objekta, odnosno fizičko lice u trenutku podnošenja zahtjeva za otvaranje trgovačke radnje dostavlja pisanu izjavu nadležnom organu kojom potvrđuje da prodajni objekat ispunjava zakonom propisane uvjete.

Zakon o deviznom poslovanju u članu 39. stav 1. tačka c) navodi da rezidenti - druga pravna lica i poduzetnici uz zahtjev za dobijanje ovlaštenja za obavljanje mjenjačkih poslova, Federalnom ministarstvu finansija, pored ostalog trebaju priložiti i Rješenje nadležnog organa o ispunjenju minimalnih tehničkih uslova u skladu sa važećim propisima.

U navedenoj Odluci utvrđena je zaista minimalna naknada, kako ista ne bi predstavljala dodatni teret poduzetnicima, međutim protekom vremena visina naknade, kao i dio naknade koji se raspoređuje za troškove Komisije od po 20 KM je zaista nizak, zbog čega vrlo mali broj stručnih lica sa liste članova Komisije želi učestvovati u pregledu poslovnih prostora i utvrđivanju minimalnih uslova rada.

Da ne bi bilo dovedeno u pitanje utvrđivanje minimalno tehničkih uslova za obavljanje određenih djelatnosti i donošenje rješenja o ispunjavanju minimalnih uslova rada za određene djelatnosti neophodno je bilo pristupiti donošenju nove odluke.

Podnosilac zahtjeva uplaćuje naknadu za utvrđivanje propisanih uslova iz koje se plaćaju članovi komisije, a ostatak se raspoređuje za rad općinskog organa uprave i pokriće doprinosa i poreskih obaveza u skladu sa Zakonom, te je zbog toga potebno da Vijeće donese Odluku u predloženom tekstu.